

四庫全書存目叢書編纂委員會編

齊魯書社

四庫全書存目叢書

史部
第一四一冊

責任編輯：孫言誠 賀 偉

ISBN 7-5333-0535-3



9 787533 305352 >

EB95/03

四庫全書存目叢書·史部一四一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45.875 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一四一冊目次

史部·史鈔類

古今彙語十二卷

〔明〕汪應蛟撰
清華大學圖書館藏清康熙三十七年汪會刻本

..... 一

史書纂畧二百二十二卷目錄二卷（原缺晉列傳卷六）（一）

〔明〕馬維銘輯
吉林大學圖書館藏明萬曆四十三年刻本

..... 二四二

古今彙語十二卷

〔明〕汪應蛟撰

清華大學圖書館藏清康熙三十七年汪會刻本

附《四庫全書總目·古今彙語十二卷》提要

古今彙語序

昔叔孫氏論三立德功而外言繼之此其所謂言必非雕蟲篆刻之技已也。上之原本性命次亦闡繹經綸命指摘詞表章經史。或爲經國之業或爲名山之藏。在泉爲珠着壁成繪其眠騷人墨客聾悅之文直猶驚欬蛩吟之於夔鐘鼉鼓耳。星源大司徒登源汪公生平著述甚富有

古今彙語序

一

撫畿海防奏疏司農奏議及中
詮詩禮學略讀庸寤言學脉咏
語密齋語諸編皆其歷官之所
建白。夫講學之所闡發。一一
有關於家國身心是彙是訓。乃

若古今彙語則公讀史薈撮其
機要手輯而成書者也。閱歷幾
數十朝上下凡數千載。諸凡哲
后名臣。摩切治道。碩畫良箴。燦
然具在。典而則核。而有體展也。

冊牘之精鑿而典籍之總龜矣。
余嘗謂士大夫立身行道尊主
庇民。未有不得之于學問者。不
從此出。雖賢如漢之霍子孟。忠
如宋之寇萊公。猶未免不學無

術之譏。公早成進士。數歷中外。
所至有異績。屢忤權貴。不悔嘗
以邊警。備兵天津。造舟轉餉。赫
濯遠愴。遂晉填撫。躬歷旅順。置
戍要害。橫海爲防。移鎮恒山。葛

沽白塘一帶闢田若干頃歲入
不貲津門爲山海咽喉烽火不
至梗塞賴公遺畫居多泰昌庚
申以求舊起家南大司徒尋改
北未幾

予告馳驛歸猶上封事具陳堯舜
敬脩心學諄諄以親講幄遠婦
寺爲言若豫憂逆璫之亂政然
者識者服其先見盖公自宦遊
以迨家食手不釋卷多識蓄德

孜孜實踐之學墨守紫陽家法
此其鴻猷偉樹卓有所本卽如
是編名言如屑試舉其中單辭
隻事無不可砥躬而砭世者大
都其人如北斗南車可儀可嚮

其學如高山巨澤可佃可漁其
議如金鏡玉尺可鑑可準其用
如菽粟布帛可被可咀固經世
之典要而稽古者所必須也諸
公子能讀父書雅有父風孝廉

元兆任子元泰賚書問序其有
羹牆羹訓之思乎夫羹者法也
信乎其足法矣

賜進士第撫治鄖陽都察院右僉
都御史後學畢懋康撰

古今叢書序

六



太子少保戶部尚書登源汪公傳

公諱應蛟字潛夫號登源南直婺源
人生而穎異總角能文矢志為聖賢
識者覘為海內偉人萬曆癸酉舉于
鄉明年登進士第觀政日數從耿天
臺諸公講學于世俗聲色貨利澹如
也除南鄉部主典船政以抑囑託失
貴人意引疾歸辛巳起南客部表方
正學先生墓立碣置祀田甲申再以
給由入都感憤時事抗疏忤當路當
路亦有以要秩招公者公弗應復引
疾歸歸而究心性命學益力久之陞

興泉憲副繼改四川督學力行古道
以身爲學人鵠雖播州越在徼外亦
駸駸趨步儒雅今士所家吟詩禮學
畧其遺範也甲午叅政濟南修成憲
而督姦吏備兵易水威愛並行直筆
正繩礦璫震肅以是受知

雅

二

神廟有天津填撫之命當是時朝鮮被
圍甚棘廷議防海必需有律之師公
詣登萊申明軍政置戍旅順耕作自
是海柝希驚而撫真定之

命下矣公策葛沽白塘地汙萊可田田
之歲充戍卒常額數萬斛奸弁奏括

畿稅十三萬業下所司公力爭之得

旨減半會歲饑澤竭稼敗公檄州縣發
廩賑民凡極貧次貧面給有差民賴
以濟壬寅晉貳司空尋予告歸時尊
人兩峯公蟠蟠稱大耋同朱夫人具
慶下公承事以婉顏愉色庭除間陶

雅

三

陶如也里居聚徒講所學十有九年
薦起南大司農未幾改北時遼蜀黔
交用兵餽運旁午公請勅督撫覈虛
冒以蘇邦本三方布置議起歲其供
餉百二十萬公力請減半有悍將藉
募兵餌重糈者公請自募七千練爲

一軍度可省費二十萬悍將亦俛首
帖服而言者顧謂越俎公遂乞休疏
凡七上乃以太子少保致仕因陳堯
舜敬修心法且箴及壺幃贊御蓋豫
慮閭尹之畜禍云至其學宗誠敬不
希頓悟嘗曰仰鑽至欲罷不能乃見

卷

四

卓尔敬信至篤恭不顯纔是闇然中
正純粹真克繼程朱而頡頑薛胡諸
君子矣先謚文敬定謚清簡以追叙
蘭川功晉太傅公所著有中詮古今
彙語等書行於世而彙語尤上下千
古博綜無遺讀史家咸奉爲拱壁焉

賜進士第中憲大夫大理寺右少卿
前吏部考功清吏司郎中通家眷
侍教生程國祥頓首拜撰



卷

五

重刻先太傳清簡公古今彙語序

先太傳清簡公至畚益五世於茲矣
太傳萬曆甲戌捷南宮旋眎學四川
叅藩濟上備兵易州填撫真保歸起
大司農敷歷中外鴻猷碩畫具載史
冊迨曾伯祖元兆公再以崇禎甲戌

序

先後成進士編纂先代文集勸諸家
乘往者先贈公檢理遺書將次第剖
刪身任繼述之責未幾謝世至余兄
弟宦游四方又鹿鹿無間今追憶庭
訓以慰先志念太傳居官有撫讎海
防奏疏居里有詩禮學略讀庸寤言

學脉詠語密齋語存重訂浮溪文粹

及中詮與古今彙語等書卷帙浩博
中詮季弟睎已經重鑄而彙語稽覈
於數十朝上下于數千禩手擷菁英
薈輯機要其有關於世道人心者輒
爲紀載語有默契不必已出意有獨

序

二

裁不必人同剖是非析疑信昭鑒戒
翼風教當日子告上封事惓惓具陳
敬修心學表方正學先生墓碣置祀
田從耿天臺諸公講學敦勵名節以
道義自重中正純粹是皆彙行也而
無一不從彙語中來也余時出誦讀

如見高曾桀範如服先農疇畝手澤
炳然修輯繕梓詩曰戎雖小子而式
弘大又曰子子孫孫勿替引之用是
益兢兢滋思矣

肯

康熙三十七年歲次戊寅蜡月朔五

序

三

世孫會百拜識



古今藝語卷之一

新安五霞山人汪應蛟登源甫編輯

帝存心於天下加志於窮民一民饑曰我饑之也

民寒曰我寒之也一民有罪曰我罪之也百姓戴

之如日月親之如父母

唐帝堯

帝彈五紘之琴歌南風之詩而天下治詩曰南風之

薰兮可以解吾民之愠兮南風之時兮可以阜吾

民之財兮

虞帝舜

王巡狩出見罪人下車問而泣之左右曰罪人不順

古今藝語卷之一

一

道君王何爲痛之禹曰堯舜之人皆以堯舜之心

爲心寡人爲君百姓各自以其心爲心是以痛之

夏大禹

大戰于甘不勝六卿請伐之啓曰不可吾地非淺民

非寡也今茲不勝是吾德薄而教不善也何以伐

爲於是班師琴瑟不張鐘鼓弗考不因席不仍味

親親長長尊賢委能隱神期月而有扈服遂滅之

帝啓

關龍逢進諫曰人君謙恭敬信節用愛人故天下安

而社稷宗廟固今君用財若無窮殺人若不勝民

惟恐君之後亡矣。人心已去。天命不祐。盍少俟乎。
桀曰。吾之有天下。猶天之有日也。日亡。吾乃亡矣。
遂囚逢而殺之。殷湯聞之。嘆息。使人哭之。桀怒。囚
湯於夏臺。殷癸

湯出。見人張網四面而祝之曰。從天墜者。從地出者。
從四方來者。皆罹吾網。湯解其三而止。置一而更
祝曰。欲左者左。欲右者右。欲高者高。欲下者下。不
用命者。乃入吾網。漢南諸侯聞之曰。湯德至矣。及
禽獸歸之者四十餘國。商湯

古今叢語卷一

二

天下非一家之有也。惟有道者可以處之。可以治
之。三讓。諸侯皆推湯。於是湯乃即天子位。

大旱凡七祀。太史占之曰。當以人禱。湯曰。吾所爲請
雨者。民也。若必以人禱。吾請自當。遂齋戒。剪髮斷
爪。素車白馬。身嬰白茅。以爲犧牲。禱於桑林之野。
祝曰。無以余一人之不敏。傷民之命。以六事自責。
曰。政不節。歟。民失職。歟。宮室崇歟。女謁盛歟。苞苴
行歟。讒夫昌歟。言未已。大雨方數千里。

始爲象箸。箕子嘆曰。彼爲象箸。必不盛於土簋。將作
犀玉之盃。玉盃象箸。必不美於黎藿衣短褐。而舍於

茅茨之下。則錦衣九重。高堂廣室。稱此以求天下
不足矣。遠方珍怪之物。與馬宮室之漸。自此而始。
故吾畏其卒也。帝紂

微子數諫不聽。乃與太師少師謀。遂去。箕子諫亦不
聽。人或曰。可以去矣。箕子曰。知不用而言。愚也。殺
身以彰君之惡。而自悅於民。吾不忍爲也。二者不
可。然且爲之。不祥莫大焉。乃解衣披髮。佯狂爲奴。
紂又囚之。比干見微子去。箕子佯狂。乃嘆曰。王過
不諫。非忠也。畏死不言。非勇也。見過卽諫。不用卽
死。忠之至也。乃陳先王艱難。天命不易。國家將亡。

古今叢語卷一

三

之明。微請王洗心易行。伏于象魏之門。進諫不去。
者三日。紂大怒曰。比干自以爲聖人矣。吾聞聖人
之心有七竅。信有諸乎。遂殺比干。剖視其心。

虞芮之君相與爭田。久而不平。乃相與朝周。入其境
耕者讓畔。行者讓路。入其邑。男女異路。斑白不提
挈。入其朝。士讓爲大夫。大夫讓爲卿。二國之君感
而相謂曰。吾所爭。周人所耻。我等小人不以服
君子之庭。何往爲。祇取辱耳。遂還俱讓其田而不
取。漢南諸侯歸者四十國。周文王

鑿靈沼。掘地得死人之骨。西伯曰。葬之。吏曰。此無王

矣。西伯曰：有天下者，天下之主也；有一國者，一國之主也。寡人固其主矣，又安所求主乎？遂以衣冠更葬之。天下聞之，皆曰：西伯澤及枯骨，況其人乎？西伯嘗寢疾，謂世子曰：見善勿怠，時至勿疑，去非勿處。此三者，道之所以起也。世子再拜受教。

武王伐紂，載西伯木主以行。伯夷、叔齊叩馬諫曰：父死不葬，爰及干戈，可謂孝乎？以臣弑君，可謂仁乎？左右欲殺之。太公曰：義人也，扶而去之。周武王

王以殷初定，未集乃使其弟管叔、蔡叔度相紂之子武庚治殷，已而命召公釋箕子之囚，命畢公釋

古今要語卷一

四

百姓之囚，表商容之間，命南宮括散鹿臺之財，發鉅橋之粟，以賑貧弱。吐隸命南宮括史佚展九鼎寶玉，命閼天封比干之墓，命宗祝饗祠于軍。微子膠鬲皆委質爲臣，殷人咸喜曰：王之於人也死猶封其墓，況生者乎？王之於仁賢也，亡者猶表其廬，况存者乎？王之於財也，聚者猶散之，况肯復籍乎？王乃罷兵西歸。

賡祚三日，召士大夫而問焉曰：惡有藏之約，行之得萬世可以爲子孫常者乎？師尚父對曰：黃帝顓頊之道在丹書有之曰：敬勝怠者吉，怠勝敬者滅。義

勝德者從，德勝義者凶。凡事不強則枉，弗敬則不正。枉者滅，廢者亡。破者萬世藏之約，行之得可以爲子孫常者，此言之謂也。且臣聞之以仁得之以仁守之，其量百世；以不仁得之以不仁守之，其量十世。以不仁得之以不仁守之，不及其世。王聞書之言，惕若恐懼，退而爲戒書於席之四端，及几、盤、盥、盤、櫪、杖、帶、履、觴、豆、戶、牖、劍、弓、矛，各爲銘焉。

伯夷、叔齊耻食周粟，隱于首陽山，作歌曰：登彼西山兮，采其薇矣。以暴易暴兮，不知其非矣。神農虞夏忽焉沒兮，我安適歸矣。吁嗟徂兮，命之衰矣。遂餓而死。

古今要語卷一

五

王與其弟叔虞創桐葉爲珪，戲曰：吾以此封若。史佚請擇日。王曰：吾與之戲耳。史佚曰：天子無戲言，言則史書之，禮成之，樂歌之，遂封虞叔於奭之故墟。曰唐侯。周成王

交趾南有越裳氏，重三譯而來獻白雉，曰：道路悠遠，山川阻深，恐一使不通，故重三譯而來朝。周公曰：德澤不加，君子不嚮其質，政令不施，君子不臣其。人。譚曰：吾受命吾國之黃耆曰：天之無烈風淫雨，海不揚波三年矣。意者中國有聖人乎？盡往朝之。

周公歸之於王稱先王靈神致薦於宗廟使者還述其歸路周公錫以駟車五乘皆爲向南之制越裳使者載之由扶南林邑海際莽年而至其國故指南車常爲先導

王嘗問於史佚曰何德而民親其上對曰使之以時而敬順之忠而愛之布令信而不食言如臨深淵如履薄冰王曰懼哉對曰天地之間四海之內善之則臣不善則讎也夏殷之民讎桀紂而臣湯武若之何其不懼也

初召公治西方其得民和有司請召民召公曰不勞

古今要語卷一

六

一身而勞百姓非吾先君文王之志也乃巡行鄉邑聽斷於隴陌阡畝之間廬於棠樹之下以蠶桑耕種之暇乃弛獄出諸民使得反業自侯伯至庶人無失職者及召公卒人思其政懷棠樹不忍伐作甘棠之詩歌咏之

周康王

初王得八駿馬有造父者以善御得幸王欲肆其心周行天下將必有車轍馬迹焉祭公謀父作祈招之詩以止王心曰祈招之情情式昭德音思我王度式如玉式如金刑民之力而無醉飽之心王以是獲沒於祗官

周康王

趙簡子問王孫圉曰楚之白珩猶在乎其爲寶也幾

何矣對曰未嘗爲寶楚之所寶者曰觀射父能作訓辭以行事於諸侯使無以寡君爲口實又有左史倚相能道訓典以叙百物以朝夕獻善敗於寡君無忘先王之業又能上下說乎鬼神順道其欲惡使神無怨痛於楚國又有數曰雲連徒洲金木竹箭之所生也龜珠齒角皮革毛羽乃所以備賦用以戒不虞者也所以供幣帛以賓享於諸侯者若諸侯之好幣具而導之訓詞有不虞之備而皇神相之寡君其可以免罪於諸侯而國民保焉

古今要語卷一

七

此楚國之所寶也若夫白珩者先王之玩也何寶焉

榮夷公好利王任之大夫蒯良夫諫曰夫利百物之所生也天地之所載也而或專之其害多矣夫王人者將導利而布之上下者也使神人百物無不得其極猶日怵惕懼怨之來也今獨專利其可乎匹夫專利猶謂之盜王而行之其歸鮮矣榮公若用周必敗既榮公爲卿士用事諸侯不享

周厲王

王行侈傲國人謗王召穆公諫曰民不堪命矣王怒得衛巫使監謗者以告則殺之國人莫敢言道路

以目王喜告召公曰。吾能弼諫矣。召公曰。是障之也。防民之口。甚於防川。川壅而潰。傷人必多。民亦如之。是故爲川者。決之使導。爲民者。宜之使言。夫民慮之於心。而宣之於口。胡可塞也。若壅其口。其與能幾何。今王塞下之口。而遂上之過。恐爲社稷憂。王不聽。於是國莫敢出言。

後三年。萬民弗忍。乃相與畔。襲王。王出奔于虢。太子靜匿召公之家。國人乃聞之。召公曰。昔吾驟諫王。王不從。以及此難也。今殺王太子。王其以我爲讎。而懟怒乎。夫事君者。險而不懟。怨而不怒。況事王。

古今叢語卷一

八

乎。乃以其子代王太子。太子竟得脫。王在虢不敢歸。二相周公召公以太子靜尚幼。乃相與協和。共理國事。故稱共和。

王不籍千畝。號公諫曰。民之大事在農。上帝之棄盛於是乎。出民之蕃庶。於是乎生。事之共給。於是乎在。和協輯睦。於是乎興。財用蕃殖。於是乎始。敦龐純固。於是乎成。是故稷爲大官。惟農是務。無有求利於其官。以干農功。三時務農。而一時講武。故征則有威。守則有財。若是則能媚於神。而和於民。享祀時至。而布施優裕也。今天子欲脩先王之緒。而

棄其大功。罔神之祀。而困民之財。將何以求福。川民。王弗聽。周宣王

王嘗晏起。姜后脫簪珥。待罪於永巷。使其傅母通言于王曰。妾不才。至使君王樂色而忘德。失禮而晏起。亂之所由興也。原亂之興。自婢子始。敢請罪。王曰。寡人不德。實自生過。非夫人之罪也。自是勤于政事。早朝晏罷。卒成中興之名。

古今叢語卷一

九

王伐姜戎。既喪南國之師。乃料民於太原。仲山甫諫曰。民不可料也。夫古者不料民。而知其少多。司民協孤終。司商協民姓。司徒協族。司寇協姦。牧協職。工協革。場協入。廩協出。是則少多死生出入往來者。皆可知也。於是又審之以事。王治農于籍蒐于農隙。擄獲亦于籍。獮于既烝。狩于畢時。是皆習民數者也。又何料焉。且無故而料民。天所惡也。害于政而妨于後嗣。王卒料之。

初。杜伯爲大夫。王將殺之。而非其罪。伯之友左儒爭之于王。九復之。而王不許。王曰。汝別君而異友。儒曰。君道友逆。則順君以誅友。友道君逆。則順友以違君。王怒曰。易而言則生。不易則死。儒曰。士不枉義以從死。不易言以求生。臣能明君之過。以正杜。

伯之罪王殺杜伯左儒死之

西周山川皆震伯陽父曰周將亡矣夫天地之氣不失其序若過其序民亂之也陽伏而不能出陰遁而不能烝於是地震今三川實震是陽失其所而鎮陰也陽失而在陰川源必塞源塞國必亡夫水土演而民用足也水土無演民乏財用不亡何待昔伊洛竭而夏亡河竭而商亡今周德若二代之季矣其川源又塞塞必竭夫國必依山川山崩川竭亡之徵也川竭山必崩國亡不過十年數之紀也夫天之所棄不過其紀是歲也三川竭岐山

古今要語卷一

十

崩周其及乎

周幽王

初武公年九十有五猶餒餒于國曰自卿以下至于師長士苟在朝者無謂我老耄而令我必交戒訓導我在與有旅賁之規伍宁有官師之典倚几有誦訓之諫居寢有普御之箴臨事有瞽史之道宴居有師工之誦史不失書瞽不失誦以訓御之於是乎作懿戒以自儆及其沒也謂之獻聖武公

武姜惡莊公而愛段段居京將襲鄭姜將啓之公命公子呂伐京段入于鄆公伐諸鄆段出奔共遂寘姜氏于城穎誓之曰不及黃泉無相見也既而悔

之穎考叔爲封人公賜之食食舍肉曰小人有母請以遺之公曰爾有母遺爾獨無母之故且告之悔對曰闕地及泉隧而相見其誰曰不然公從之遂爲母子如初

初公將有行遂與姜氏如齊申綈曰女有家男有室無相瀆也謂之有禮易此必敗公不聽遂及文姜會齊侯于濼齊侯通焉公諷之以告齊侯享公使公子彭生乘公公薨于車

周莊王

齊侯陳諸侯之師與屈完乘而觀之曰以此衆戰誰能禦之以此攻城何城不克對曰君以德綏諸侯

古今要語卷一

土

誰敢不服若以力楚國方城爲城漢水爲池雖衆

無所用之師退盟于召陵

周惠王

齊桓公會諸侯于葵丘王使宰孔致胙於齊桓公使無下拜桓公召管仲而謀管子對曰爲君不君爲臣不臣亂之本也桓公懼出曰天威不遠顔咫尺小白余敢貪天子之命隕越于下以遺天子羞敢不下拜登受

周襄王

王使召武公內史過賜晉侯命晉侯受玉惰過歸告王曰晉侯其無後乎王賜之命而惜于受瑞先自棄也已其何繼之有禮國之幹也敬禮之與也不